

Vlada FBiH je prihvatila informaciju o aktivnostima na realizaciji projekta izgradnje TE Banovići Bloka 1-350 MW, koju je pripremio RMU „Banovići“ d.d. Banovići.

Dala je saglasnost na prijedlog teksta Pisma podrške koje, u ime Vijeća ministara BiH, treba uputiti Industrial and Comercial Bank of China i China Export&Credit Insurance Corporation - Sinosure, saopćeno je iz Vlade.

Federalno ministarstvo finansija je zaduženo, da u ime Vlade Federacije, pripremi Pismo namjere, u kojem će nedvojbeno istaći namjeru Vlade za izdavanje garancije na ukupan iznos zaduženja za Projekat izgradnje Termoelektrane Banovići, blok 1 - 350 MW, kada za to budu stečeni svi neophodni uslovi, te ga uputi Industrial and Comercial Bank of China, China Export & Credit Insurance Corporation - Sinosure i drugim finansijskim institucijama s kojima RMU „Banovići“ uđe u razgovore s ciljem zatvaranja konstrukcije finansiranja. Federalni premijer će, u ime Vlade Federacije, Vijeću ministara BiH proslijedit Pismo podrške koje, u ime Vijeća ministara BiH, treba uputiti Industrial and Comercial Bank of China i China Export & Credit Insurance Corporation - Sinosure, navodi se u saopćenju.
izvor: indikator.ba